

გორის მუნიციპალიტეტის საკრებულოს წევრის მაია ბოლაშვილის

2022 წლის 1 ნოემბრიდან 2023 წლის 1 ნოემბრამდე გაწეული საქმიანობის

ანგარიში

2022 წლის 1 ნოემბრიდან 2023 წლის 1 ნოემბრამდე დავესწარი გორის მუნიციპალიტეტის საკრებულოს 14 სხდომას და მონაწილეობა მივიღე 216 საკითხის განხილვაში.

ვარ ფრაქცია „გორი-საქართველოსთვის“ წევრი.

ვარ ჯანდაცვის, განათლების, სპორტის, კულტურის და სოციალურ საკითხთა კომისიის წევრი. დავესწარი კომისიის 11 სხდომას და მონაწილეობა მივიღე 23 საკითხის განხილვაში. ასევე ვარ სივრცით-ტერიტორიული დაგეგმარების და ინფრასტრუქტურის კომისიის წევრი. დავესწარი კომისიის 12 სხდომას და მონაწილეობა მივიღე 61 საკითხის განხილვაში.

ვარ გორის მუნიციპალიტეტის გენდერული თანასწორობის საბჭოს წევრი. განვლილი პერიოდის მანძილზე მონაწილეობა მივიღე გაეროს განვითარების პროგრამის (UNDP) და საერთაშორისო რესპუბლიკური ინსტიტუტის (IRI) მიერ განხორციელებულ ოთხ ტრენინგში, რომელიც ეხებოდა ქალთა გაძლიერების პლატფორმას, გენდერული თანასწორობის საკითხებს და ქალთა ჩართულობას ადგილობრივი თვითმმართველობის საქმიანობაში.

მთელი წლის განმავლობაში პერიოდულად ვხვდებოდი ჩემს ამომრჩეველს სადაც გამოვლინდა შემდეგი პრობლემები:

- შევხვდი გორის მუნიციპალიტეტის სოფელ ერგნეთის ახალგაზრდებს, რომლებიც ითხოვენ თავიანთ სოფელში სპორტული მოედნის მოწყობას და სავარჯიშო ტრენაჟორების დადგმას.
- შევხვდი გორში, პუშკინის და ეკატერინე ჯულაშვილის ქუჩის მცხოვრებლებს, რომლების აღნიშნული ქუჩების გადაკვეთაზე ითხოვენ საფეხმავლო გადასასვლელის დახაზვას.
- შევხვდი გორის მუნიციპალიტეტის სოფელ ერგნეთის მოსახლეობას, რომლებიც ითხოვენ გორი-ერგნეთის სამარშრუტო ავტობუსისთვის საღამოს 6:00 საათის შემდეგ რეისის დამატებას.
- შევხვდი გორის მუნიციპალიტეტის სოფელ ერგნეთის მოსახლეობას, რომლებიც ითხოვენ გორი-ერგნეთის სამარშრუტო ტაქსის სამუშაო საათების გახანგრძლივებას.
- შევხვდი გორის მუნიციპალიტეტის სოფელ მერეთის ახალგაზრდებს, რომლებიც ითხოვენ აღნიშნულ სოფელში სპორტული მოედნის მოწყობას.
- შევხვდი გორში, პუშკინის ქუჩის მაცხოვრებლებს, რომლებიც ითხოვენ აღნიშნულ ქუჩაზე საკანალიზაციო ჭებისთვის თავსახურების შექმნას.
- შევხვდი გორში, პუშკინის ქუჩის N28-31-ში მცხოვრებლებს, რომლებიც ითხოვენ საკანალიზაციო ჭებისთვის სახურავების დაფარებას.
- შევხვდი გორში, ცხინვალის გზატკეცილი N21ა და 21ბ მაცხოვრებელი კორპუსების მაცხოვრებლებს, რომლებსაც აწუხებთ აღნიშნული კორპუსების მიმდებარედ არსებული წყლის არხების დანაგვიანების პრობლემა.

პრობლემების ნაწილი მოგვარებული იქნა, ნაწილი კი გათვალისწინებული იქნება მომდევნო წლის ბიუჯეტში.

გორის მუნიციპალიტეტის საკრებულოს წევრის მაია ბოლაშვილის

ამომრჩევლებთან შეხვედრის დამადასტურებელი

ოქმი

ქ.გორი

2024 წლის 24 ოქტომბერი

სხდომას ესწრებოდნენ :

საკრებულოს თავმჯდომარის მოადგილე: ბექა ლობჯანიძე

ფრაქცია „გორი-საქართველოსთვის“- ფრაქციის თავმჯდომარე: მამუკა ფანიაშვილი;

საკრებულოს წევრები: მაია ბოლაშვილი, მერაბ გოხელაშვილი;

სხდომას ასევე ესწრებოდნენ: გორის მუნიციპალიტეტის ცენტრის ადმინისტრაციული ერთეულის მოსახლეობა და საკრებულოს აპარატის უფროსი სპეციალისტი ლელა ბზიშვილი.

სხდომას თავმჯდომარეობდა საკრებულოს თავმჯდომარის მოადგილე: ბექა ლობჯანიძე;

დღის წესრიგი

საკრებულოს წევრის მაია ბოლაშვილის 2023 წლის 1 ნოემბრიდან 2024 წლის 1 ნოემბრამდე გაწეული მუშაობის შესახებ ანგარიში

სხდომის თავმჯდომარემ დამსწრე პირებს წარუდგინა საკრებულოს წევრი მაია ბოლაშვილი და გააკეთა განმარტება, რომ საკრებულოს ყველა წევრი ვალდებულია წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ ანგარიში გაწეული მუშაობის შესახებ, ანგარიშის განხილვისას უპასუხონ ამომრჩეველთა მიერ დასმულ შეკითხვებს.

სხდომის დღის წესრიგის მიხედვით სიტყვა გადასცა საკრებულოს წევრს მაია ბოლაშვილს, რომელმაც დეტალურად ისაუბრა 2023 წლის 1 ოქტომბრიდან 2024 წლის

1 ნომბრამდე გაწეული საქმიანობის შესახებ. აღნიშნა ის გამოწვევები და სიკეთეები რაც თან ახლდა მოსახლეობის პრობლემების მოგვარებას. მოსახლეობის მხრიდან დაისვა შეკითხვები, რომლებიც ძირითადად ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა მათა ბოლაშვილმა აღნიშნა, რომ აქტიურადაა ჩართული მუნიციპალიტეტის 2025 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომლის გაკეთებაც ვერ მოხერხდა ამ წლის ბიუჯეტიდან.

აზრი გამოთქვას: ციციხო ისაკაძემ, მურმან შავშიშვილმა და ირმა კერესელიძემ.


გადაწყვიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთთანამშრომლობამ.

სხდომის თავმჯდომარე:



ბეკა ლობჯანიძე

საკრებულოს წევრი:



მაია ბოლაშვილი